

# Gwilym Bowen Rhys

Y CYLCHGRAWN CERDDORIAETH CRYNO AR GYFER PLANT BLYNYDDOEDD 5-8 • RHIFYN 8 • HYDREF 2021

## Y SELAR BACH

### Croeso i rifyn diweddaraf y Selar Bach!

Mae'r hydref wedi cyrraedd, a phawb yn falch iawn i fod nôl yn yr ysgol gyda'ch ffrindiau mae'n siŵr.

Er bod y dail yn cwmpo o'r coed a'r tywydd bach mwy diflas, mae digon o hwyl i'w gael dros yr hydref gyda **Chalan Gaeaf, noson tân gwylt** a diwrnod **Shwmae Su'mae!**

Ac yn arbennig ar gyfer diwrnod **Shwmae Su'mae** eleni rydyn ni'n dod â gig diweddaraf y **Selar Bach** i sgriniau eich dosbarth ysgol.

**Gwilym Bowen Rhys** sy'n perfformio yn ein gig rhithiol diweddaraf – cerddor sydd wedi mynd o ganu roc gyda'r band poblogaidd, **Y Bandana**, i ganu gwerin yn bennaf ar ben ei hun. Nid gwerin hen ffasiwn cofwch, ond gwerin gyda gwahaniaeth.

Darllenwch y rhifyn yma o'r **Selar Bach** i ddysgu mwy am Gwil, ac fel arfer i glywed hefyd am newyddion diweddaraf y sin gerddoriaeth Gymraeg.

Joiwch **Y Selar Bach**, a joiwch y gig rhithiol!

**BAND Y  
RHIFYN**





# Gwilym Bowen Rhys

## FFEIL O FFEITHIAU

**AELODAU:** Gwilym Bowen Rhys (a Patrick Rimes yn y gig rhithiol)

**O BLE:** Bethel, ger Caernarfon

**FFURFIWYD:** Dechrau fel artist unigol tua 2015

**RECORDIAU:** O Groth y Ddaear (albwm 2016), Detholiad o Hen Faledi I (albwm 2018), Arenig (albwm 2019).

### UCHAFBWYNTIAU:

- Ennill gwobr 'Artist Unigol Gorau' yng Ngwobrau Gwerin Cymru 2019.
- Rhestr fer Artist Unigol Gorau Gwobrau Gwerin BBC Radio 2 yn 2019.
- Perfformio gigs yn yr Ariannin, Iwerddon, Yr Alban, Cernyw, Galisia a Gwlad y Basg.
- Cyrraedd rownd derfynol Cân i Gymru ddwywaith gyda chaneuon wedi eu hysgrifennu gyda'i fam, Siân.
- Ennill gwobr 'Band Gorau' Gwobrau'r Selar gyda'r Bandana 4 gwaith!

### FFEITHIAU DIDDOROL:

- Ffurfiodd Gwilym ei fand Y Bandana yn 2007, pan oedd yn 14 oed, ac fe ddaethon nhw i fod yn un o fandiau mwyaf poblogaidd Cymru.
- Chwalodd Y Bandana yn 2016, ond enillodd y grŵp 4 o Wobrau'r Selar ar ôl hynny – y tro cyntaf i grŵp oedd ddim yn bodoli ennill!!!
- Roedd Gwilym yn arfer actio cymeriad Dafydd ar gyfres deledu Rownd a Rownd.
- Mae Gwilym hefyd yn aelod o'r grŵp Plu gyda'i ddwy chwaer, Elan a Marged.
- Mae wedi hyfforddi yn y grefft o wneud 'clogs' (esgidiau pren traddodiadol) gan gyrraedd rownd derfynol Gwobrau Prentisiaethau Cymru yn 2016.
- Roedd ei dad, Rhys Harries, yn aelod o'r grŵp enwog o'r 1970au, Trwynau Coch

### RHESTR CHWARAE:

- ▶ *Clychau'r Gog*
- ▶ *Ben Rhys*
- ▶ *Byta Dy Bres*
- ▶ *Dŵr Tryweryn*
- ▶ *Garth Celyn*



## GEIRFA


**EP ('Extended Play')** – record fer, tua 4 i 6 cân fel arfer  
**Noddi** – sponsor  
**Uchafbwyntiau** – highlights  
**Band pres** – brass band  
**Albwm (weithiau LP 'Long Play')** – record hir, tua 10 cân neu fwy fel arfer



## 5 CÂN I WRANDO ARNYN NHW



**Traeth y Bore** – Sywel Nyw gydag Endaf Emlyn



**Cell** – Mr Phormula



**Ci** – Derw



**Arbed Dy Gariad** – Tapestri



**Llyn Llawenydd** – Papur Wal



# 5 UCHAF Y SELAR

Dyma'r 5 band sydd wedi dal sylw **Y Selar** yn ddiweddar.

## 1. N'famady Kouyaté

Cerddor o Guinea Conarkry yn wreiddiol, ond sy'n byw yng Nghaerdydd erbyn hyn. Mae wedi **rhyddhau ei EP Aros i Fi Yna** yn ddiweddar.



**2. Leri Ann** Cantores o Lan Ffestiniog, sydd newydd **ryddhau ei EP cyntaf**. Mae Leri hefyd yn actores sydd wedi bod ar gyfres Rownd a Rownd.



**3. Band Press Llaeggub** Dyma fand pres modern a gwahanol iawn i'r hyn fyddwch chi'n gweld ar lwyfan eisteddfod! Maen nhw newydd ryddhau **albwm newydd**, sy'n fersiwn gwahanol iawn o albwm y Big Leaves, 'Pwy Sy'n Galw?'

**4. Sister Wives** Band Cymraeg o Sheffield yn Lloegr! **le, wir i chi**. Maen nhw newydd recordio sesiwn ar gyfer cyfres 'Ar Dâp' i S4C.



**5. Sywel Nyw** Prosiect Lewys Wyn, sef prif ganwr Yr Eira. Mae'n rhyddhau sengl bob mis yn 2021, gan gyd-weithio gyda cherddor gwahanol bob tro. Mae wedi rhyddhau **naw cân hyd yn hyn**.

## Label recordiau Yws Gwynedd yn noddî tîm pêl-droed merched

Bydd label **Recordiau Côsh** yn noddî crysau tîm pêl-droed Merched Bethel ar gyfer y tymor 2021/22.

Dyma'r ail waith i'r label, sy'n cael ei redeg gan y cerddor a chyn bêl-droediwr Yws Gwynedd, noddî'r tîm a bydd logo Côsh yn cael ei weld ar gaeau pêl-droed y gogledd dros y tymor.

Cyhoeddwyd ym mis Mawrth 2020 bod Côsh yn noddî'r tîm, ond yn anffodus daeth y clo mawr yn syth wedyn gan olygu nad oedd llawer o gyfle i'r merched chwarae yn eu crysau newydd.

Nawr mae Côsh wedi cytuno i noddî'r tîm eto ar gyfer y tymor 2021/22 ac roedd y merched yn gwisgo'r crysau am y tro cyntaf yn ei gêm oddi-cartef yn erbyn Airbus UK yn yr 'Adran North' ym mis Medi. Enillodd Bethel y gêm 5-1.

### CIC ABOUT GYDAG YWS

"Fel clwb rydym yn werthfawrogol iawn i Ywain a Recordiau Côsh am

noddî tîm pêl-droed y merched ac mae'r gefnogaeth yn golygu llawer i ni fel tîm" meddai Gweno Gibbard Bolton, capten y tîm.

"Mi ddoth Ywain draw i gael llun gyda'r tîm a'r kit, a mi arosodd am kick about bach gyda'r Merched, roedd pawb wrth eu boddau!"

Mae Yws yn bêl-droediwr da iawn ei hun – mae wedi chwarae i nifer o dimau dros y blynyddoedd gan gynnwys Porthmadog a Chaernarfon yn Uwch Gynghrair Cymru.

Mae'n awyddus felly i gefnogi pêl-droed lleol, ac fe neidiodd ar y cyfle i helpu Merched Bethel.

"Dwi'n hapus i helpu pêl-droed grassroots mewn unrhyw ffor fedrai a ma'n wych bod Bethel yn cynghrair Adran North flwyddyn yma.

"Dwi'n edrych ymlaen i gael mynd i weld y kit mewn gêm byw yn fuan ar ôl cyfarfod y chwaraewyr mewn sesiwn hyfforddi yn ddiweddar – ma nhw'n griw da a hwyliog a dwi'n falch bo nhw'n arddangos logo Recordiau Côsh."



Ym mhob rhifyn o'r **Selar Bach** rydyn ni'n holi disgyblion o ysgolion gwahanol am y gerddoriaeth Gymraeg maen nhw'n ei mwynhau.

# SELAR YN GIGIO YN... YSGOL GYNRADD EGLWYSWRW



**Enw:** Glain

**Hoff fand Cymraeg:** Elin Fflur a'r Band

**Hoff gân Gymraeg:** 'Harbwr Diogel' – Elin Fflur

**Lle fyddi di'n gwranddo ar dy gerddoriaeth?** Yn y gwely'n ymlacio, neu yn y car

**Pa 3 band neu artist fyddai yn dy gig perffaith di?** Eden, Rhys Gwynfor, Tocsidos Blêr



**Enw:** Guto

**Hoff fand Cymraeg:** Mr Phormula

**Hoff gân Gymraeg:** 'Heulwen o Hiraeth' – Al Lewis

**Lle fyddi di'n gwranddo ar dy gerddoriaeth?** Yn y car a disgôs yn y tŷ

**Pa 3 band neu artist fyddai yn dy gig perffaith di?** Band Pres Llareggub, Mr Phormula ac Al Lewis



**Enw:** Enlli

**Hoff fand Cymraeg:** Eden

**Hoff gân Gymraeg:** 'Esgair Llyn' – Dafydd Iwan

**Lle fyddi di'n gwranddo ar dy gerddoriaeth?** Yn yr ardd, yn y car ac amser golchi llestri!

**Pa 3 band neu artist fyddai yn dy gig perffaith di?**

Dewi Pws, Gwibdaith Hen Frân a Bromas



**Enw:** Cecil

**Hoff fand Cymraeg:** Mega

**Hoff gân Gymraeg:** 'Coffi Du' – Gwibdaith Hen Frân

**Lle fyddi di'n gwranddo ar dy gerddoriaeth?** Yn y gegin ac amser godro

**Pa 3 band neu artist fyddai yn dy gig perffaith di?** Mega, Gwilym ac Yws Gwynedd



**Enw:** Anna

**Hoff fand Cymraeg:** Plethyn

**Hoff gân Gymraeg:** 'Meillionen' – Big Leaves

**Lle fyddi di'n gwranddo ar dy gerddoriaeth?** Yn y car ac yn fy ystafell wely pan yn arlunio

**Pa 3 band neu artist fyddai yn dy gig perffaith di?**

Gwenno, Mared a The Gentle Good



**Enw:** Sebastian

**Hoff fand Cymraeg:** Rhys Gwynfor

**Hoff gân Gymraeg:** 'Bydd Wych' – Rhys Gwynfor

**Lle fyddi di'n gwranddo ar dy gerddoriaeth?** Yn fy ystafell wely

**Pa 3 band neu artist fyddai yn dy gig perffaith di?**

Rhys Gwynfor, Y Bandana ac Ail Symudiad

Os hoffai eich dosbarth chi ateb cwestiynau **Selar yn gigio...** anfonwch neges: [post@selar.cymru](mailto:post@selar.cymru)

Rhagor am  
gerddoriaeth  
Gymraeg



[Gwefan  
Y Selar](#)



[Blog  
Sôn am Sîn](#)



[Sianel YouTube  
Lŵp](#)



[Rhaglenni  
Radio Cymru](#)

Os hoffai eich dosbarth chi ateb cwestiynau **Selar yn gigio**, anfonwch neges – [yselar@live.co.uk](mailto:yselar@live.co.uk)